

王勃全集箋註

汪彥章
署

王子安集註卷第六

唐龍門王勃撰

吳縣蔣清翊註

書

與契苾將軍書

文苑英華六百八十四○新唐書諸夷番將傳契苾何力貞觀六年內屬太宗擢何力左領軍將軍授右驍衛大將

軍永徽中遷左驍衛大將軍封遼國公龍朔初進鎮軍大將軍行左衛大將軍徙封涼

昊天不忱

書堯典欽若昊天詩大明天難忱斯毛傳忱信也

哲人終否

詩抑其維哲人易序卦傳物不可以終否

畢公

逝矣

清翊曰本集畢公宅宴序畢公以帝室之華擁平陽之舊館新唐書宗室世系表太祖第四子畢王房下有畢國公景淑為畢王璋曾孫殆其人矣今書中有

情則懿親句按何力尚臨洮縣主畢公蓋縣主之近屬

傷如之何

見遊廟山賦

敬想情則懿親

左僖二十四年

傳兄弟雖有小忿不廢懿親

義惟良執

潘岳夏侯常侍誄念我良執

非夫人之為慟其誰為慟乎

論語子罕顏淵死子哭之慟從者曰子慟矣曰有慟乎非夫人之為慟而誰為何注馬曰慟哀過也

僕與此公早投交契夷險

之際

夷險見慈竹賦

終始如一

書咸有一德終始惟一時乃日新

常思並建忠孝之績共申

家國之讐

國語越語父兄諱曰越四封之內親吾君也猶父母也子而思報父母之仇臣而思報君之讐其有敢不盡力者乎

而負

英華

一作

壯志不就

疑有脫文○壯志見遊廟山賦嵇康幽憤詩子獨何爲有志不就

古人所悲

李陵答蘇武書遠託異國昔人

悲何圖一旦長訣嗚呼哀哉管仲不存叔牙空在

管子戒篇管仲寢疾桓公往問之曰仲父

之疾甚矣若不可諱也不幸而不起此疾彼政我將安移之管仲未對桓公曰鮑叔之爲人何如管仲對曰鮑叔君子也雖然不可以爲政其爲人也好善而惡惡已甚見一惡終身不忘

子皮已喪子產何依

左昭十三年傳子產歸未至閭子皮卒哭且曰吾已無爲爲善矣唯夫子知我

興言

追昔

向秀思舊賦序追想曩昔游宴之好

良增痛悼

梁簡文帝與劉孝儀令想卿痛悼之誠亦當何已

適得韋四郎

書具承大郎雅意

新唐書諸夷番將傳何力子明字若水吳質答東阿王書然後竭雅意盡歡情

知欲以此公碑

誌託之下走

下走見上武侍極啟二

夫撫今懷昔

宋書后妃傳文帝袁皇后崩詔顏延之爲哀策既奏上自益撫存悼

亡感今懷昔八字以致其意焉

理寄斯文

斯文見楊炯序

旌德敘功

桓溫薦譙元彥表旌德禮賢

事屬知

已

知已見上明員外啟

是以子期幽思感叔夜之形言

之疑而字之訛晉書向秀傳字子期河內懷人向秀

思舊賦序余與嵇康呂安居止接近其人並有不羈之才其後各以事見法余逝將西邁經其舊廬于時日薄虞淵寒冰淒然鄰人有吹笛者發聲寥亮追想曩昔游宴之好

感音而歎伯喈雄藻待林宗而無愧

伯喈見上從舅啟後漢書郭太傳字林故作賦云

刻石立碑蔡邕為文既而謂涿郡盧植曰吾為碑銘多矣皆有慚德唯郭有道無愧色耳

下走雖不敏

論語顏淵回雖不敏請事斯語矣張衡東京賦

走雖不敏

幸託深期此而不為誰當為者但恐位卑先達

先達見倬彼我系詩

才

非拔萃

孟子公孫丑拔乎其萃

虛承厚睞不副高聞

英華一作意耳

謹遣舍弟勛往

舍弟見倬彼我系詩助詳系表

面取進止臨書發泣

趙至與嵇茂齊書臨書悵然詩中谷有薤啜其泣矣毛傳啜泣貌

慘

惶不次

為人與蜀城父老書

一〇文苑英華六百九十一

蓋聞天地作極

書洪範惟皇作極

不能遷否泰之期

易序卦傳泰者通也物不可以終通故受之以否

川嶽薦靈

王僧孺詹事徐府君集序稟靈川嶽

不能改窮通之數

莊子秋水篇知窮之有命知通之有時

豈

非聖賢同業存乎我者所謂才榮辱異流

蜀志杜微傳清濁異流無緣咨覲

牽乎彼

者所謂命是以龍驤鳳峙

英華一作翥漢書鄒陽傳交龍襄首奮翼則浮雲出流注師古曰襄舉也又叙傳雲起龍驤化為侯

王○風時見慈竹賦禽
經鳳鸞舉百羽從之

伊周成翊贊之功

翊贊見上絳州司馬書

含糗羹藜

王褒聖主

得賢臣顏羹藜哈糗者
不足與論太牢之滋味

顏冉困棲遲之病

史記仲尼弟子列傳顏回者魯人也字子淵回年二十九髮盡白蚤死冉

耕字伯牛孔子以為有
德行詩衡門可以棲遲

或先號而後笑

易同人卦先號咷而後笑

或始吉而終凶

劉峻

辯命論或先號後笑或始吉終凶

事不可量

陶潛雜詩榮華難久居盛衰不可量

功未必定則知洪濤未

接

張衡西京賦起洪濤而揚波

長鯨多陸死之憂

木華海賦魚則橫海之鯨突机孤游又或乃蹭蹬窮波陸死鹽田

層

風未翔大鵬有雲傾之勢

莊子逍遙遊篇鵬之背不知其幾千里也怒而飛其翼若垂天之雲是鳥也海運則將徙於南冥鵬

之徙於南冥也水擊三千里搏扶搖而上者九萬里去以六月息者也風之積也不厚則其負大翼也無力故九萬里則風斯在下矣而後乃今培風背負蒼天而莫之天闕

者而後乃今將圖南蜩與學鳩笑之曰我決起而飛槍榆枋時則不至而控於地而已矣奚以之九萬里而南為釋文學鳩如字本又作鷖崔云學讀為滑滑鳩一名滑雕司

馬云學鳩小鳩也李云鵲鵬也毛詩草木疏云鵲鳩班鳩也簡文云月令云鳴鳩拂其羽是也梁書武帝紀詔曰地險雲傾

池鰭井鮒

爾雅釋魚

鰭鮒郭注今泥鰭莊子庚桑楚篇夫尋常之溝巨魚無所還其體而鰭鮒之制玉篇鮒狀如鰭而小易井卦井谷射鮒孔疏子夏傳云井中蝦蟇呼為鮒魚也

亦

將鼓鱗而輕之田鳩野鷄

莊子逍遙遊篇斥鴳笑之曰彼且奚適也我騰躍而上不過數仞而下翔翔蓬蒿之間此亦飛之至

也而彼且奚適也釋文斥司馬云小澤也鵠字亦作鷄司馬云鵠鷄省也亦將騫翮而侮之陶潛雜詩猛志逸四海騫翮思遠翥及

其衝溟渤鮑照代陸平原君子有所思行穿池類溟渤接扶搖吹波則江漢倒流鮑照觀漏賦又

吹波而助瀾木華海賦瀾波則洪漣蹶縮吹澇則百川倒流騰氣則虹霓掩彩爾雅釋天釋文雄曰虹雌曰霓摩赤岸

枚乘七發凌赤岸李善注赤岸蓋地名也曹子建表曰南至赤岸山謙之南徐州記曰京江禹貢北江春秋分朔輒有大濤至江乘北激赤岸尤更迅猛然並以赤岸在廣陵

而此文勢似在遠方非廣陵也負蒼天然後知其力焉吁韓信之無津也昌亭之一

餓夫耳見馴鷯賦法言淵騫篇西山之餓夫馬卿之失路也臨邛之一食客耳見春思賦揚雄解嘲

失路者委溝渠史記孟嘗君傳食客三千有餘人武不足以服眾文不足以動時長劍屈於無

知楚辭九歌帶長劍兮挾秦弓洪筆淪於不用洪筆見楊炯序洎乎雄圖躡運庾信周祀宗廟歌雄圖屬

天造陸機辯亡論王師蹙運而發至尊納背水之謀至尊見上劉右相書史記淮陰侯傳信拜禮畢於是漢王大喜自以為得信晚

遂聽信計部署諸將所擊又漢王遣張耳與信俱引兵東北擊趙代信與耳以兵數萬欲東下井陘擊趙趙王成安君陳餘聚兵井陘口號稱二十萬信乃使萬人先行出背

水陳趙軍望見而大笑平旦信建大將之旗鼓鼓行出井陘口趙開壁擊之信耳詳棄鼓旗走水上軍水上軍開入之復疾戰趙果空壁爭漢鼓旗逐信耳信所出奇兵共候

趙空壁逐利則馳入趙壁皆拔趙幟立漢赤幟趙軍已不勝不能得信等欲還歸壁皆漢赤幟而大驚以爲漢皆已得趙王將矣兵遂亂遁走漢兵夾擊大破虜趙軍斬成安君禽趙王歇諸將因問信曰兵法右倍山林前左水澤今者將軍令臣等反背水陳然竟以勝此何術也信曰兵法不曰陷之死地而後生置之亡地而後存且信非得素拊循士大夫也此所謂驅市人而戰之其勢非置之死地使人

人自爲戰今予之生地皆走寧尙可得而用之乎諸將皆服

麗藻升朝

郭璞爾雅

序洪筆麗藻之客張華晉冬

天子賞凌雲之作

史記司馬相如傳天子既美子虛之事相如見上好僊道

因曰臣嘗爲大人賦未就請具而奏之既奏天

子大說飄飄有凌雲之氣似游天地之間意

威加海嶽

趙至與嵇茂齊書披艱掃穢蕩海夷岳

聲振廊廟

廊廟見上明員外啟

彼淮陰之俠少

史記淮陰侯傳淮陰屠中少年有侮信者曰若雖長大好帶刀劍中情怯

耳眾辱之曰信能死刺我不能死出我勝下於是信孰視之俛出勝下蒲伏一市人皆笑信以爲怯又漢五年徙齊王信爲楚王都下邳信至召辱已之少年令出勝下以爲

楚中尉告諸將

相曰此壯士也

成都之遺老也

史記司馬相如傳蜀郡成都人司馬相如難蜀父老至于蜀都耆老大夫搢紳先生之徒二十

有七人儼然造焉呂氏春

秋慎大覽進殷之遺老

又焉所知遠近哉是以鑒物於肇不於成

淮南

子修務訓誠得清明之士執固鑑於心照物明

白高誘注玄水也鑑鏡也爾雅釋詁肇始也

賞士於窮不於達是知卞和

之得玉也精存於岸谷之間

見上皇甫常伯啟一荆山注清翊曰諸子皆言和氏惟漢書鄒陽傳注應劭曰卞和得玉璞獻

之詩十月之交高岸為谷

張華之得劍也氣發於星辰之際

見春思賦

夫豈琢磨成器

然後知其寶

琢磨見上裴侍郎啟禮學記玉不琢不成器

剗斷為能然後知其用哉

王褒聖主得賢

臣頌巧治鑄干將之模清水淬其鋒越砥斂其鏐水斷蛟龍陸剗犀革李善注字林曰剗截也

仰惟鄉耆等並玉山高族

漢書

地理志蜀郡縣縣虎注玉壘山前水所出元和郡縣志劍南道彭州管導江縣玉壘山在縣西北二十九里潘岳寡婦賦爰奉嬪於高族

金堤勝侶

左思

蜀都賦西踰金堤劉逵注金堤在岷山都安縣西堤有左右口當成都西也水經注三十三江水厯都安縣李冰作大堰於此俗謂之都安之堰亦曰湔堰又謂金堤江總攝

山棲霞寺碑頌勝但薰修

列子弟於干城

周禮師氏凡國之貴遊子弟學焉

耀衣冠於百代

衣冠見傳彼我系詩

詩文王本支百世

或以風雲去國

風雲屢見

公孫躍馬之年

後漢書光武帝紀公孫述稱王巴蜀左思蜀都賦公

孫躍馬而稱帝

鐘鼎從王

鐘鼎見上絳州司馬書易坤卦或從王事

諸葛攀龍之日

蜀志諸葛亮傳字孔明瑯琊陽

都人先主即帝位策亮為丞相建興元年封武鄉侯開府治事頃之又領益州牧後漢書光武帝紀耿純進曰天下士大夫從大王於矢石之間者其計固望其攀龍鱗附鳳

翼目成其所志耳

門庭相接

周禮闔人掌掃門庭

雕甍將綺棟連陳

庾信登州中新閣詩雕甍鵬翅張

機

杼相和

左思蜀都賦闔閭之裏伎巧之家百室離房機杼相和貝錦斐成濯色江波

鳳躡將蚪校交響

列子湯問

篇紀昌臥其妻之機下以目承牽挺張湛注牽挺機躍太平御覽八百二十五傅子曰舊機五十綜者五十躡六十綜者六十躡與苑一釣磯山者陶侃嘗釣於此山下水中

得一纖梭還挂壁上有頃雷雨梭變成赤龍從空而去

金漿玉饌

西京雜記四枚乘柳賦爵獻金漿之醪注梁人作諸蔗酒名金漿左思吳都賦

矜其宴居則珠服玉饌

食客三千

見上文

綠幘青裳

漢書東方朔傳董君綠幘傳講隨主前伏殿下注應劭曰宰人服也師古

曰綠幘賤人之服也傳著也講卽今之臂鞵也○蔡邕有青衣賦

家僮數百

史記司馬相如傳臨邛中多富人而卓王孫家僮八百人程鄭亦數百人

冲襟渺識人多江漢之靈

左思蜀都賦近則江漢炳靈世載其英

麗藻華文

麗藻本篇複見鹽鐵論遵

道篇文繁於春華

代有雲泉之氣

唐諱淵作泉左思蜀都賦王褒臨暉而秀發揚雄合章而挺生劉逵注王褒字子淵揚雄字子雲皆蜀人

北齋開敞南館虛閒

南館見上皇甫常伯啟二

詩酒同歸

同歸見山池賦

琴書台契

列女

傳賢明傳楚於陵妻曰左琴右書樂亦在其中矣○合契見上劉右相書

忘機得意

莊子天地篇子貢過漢陰見丈人曰功利機巧必忘夫人之心○得

意見上絳州司馬書

恥嵇阮之交踈

晉書嵇康傳所與神交者惟陳留阮籍河內山濤國策秦策若是者交踈也

虛席延賓

史記魏公子傳公子於是乃置酒大會賓客坐定公子從車騎虛左自迎夷門侯生侯生攝敝衣冠直上載公子上坐不讓至家公子引侯生坐上坐徧贊賓客賓客皆驚吳

志諸葛瑾傳春夏則延賓高會

恨原嘗之客少

班固西都賦節慕原嘗季善注史記曰平原君趙勝者趙之諸公子也諸子中勝最賢賓客益

至者數千人又曰孟嘗君名文姓田氏孟嘗君在薛招致諸侯賓客食客數千人

實煙霞之藪澤

藪澤見上絳州司馬書

風

月之津梁者乎

列子黃帝篇張湛注體道窮宗為世津梁

劉仲文之遠識不以乾沒詣梁

城

未詳高僧傳五釋道安遇佛圖澄澄見而嗟歎眾見形貌不稱咸共輕怪澄曰此人遠識非爾儔也漢書張湯傳始為小吏乾沒與長安富賈田甲魚翁叔之屬交

私注服虔曰乾沒射成敗也如淳曰豫居物目待之得利為乾失利為沒

閔仲叔之高風不以口腹累安邑

東觀

漢記閔貢傳字仲叔太原人恬靜養神弗役於物客居安邑老病家貧不能得錢買肉日買一片猪肝屠或不肯為斷安邑令候之問諸子何飯食對曰但食猪肝屠者或不

肯與令出敕市吏後買輒得貢怪問其子道狀如此乃歎曰閔仲叔豈以口腹累安邑邪遂去之沛蔡邕荊州刺史庾侯碑落落然高風起世

雖其已歿

生氣猶存

世說品藻篇庾道季云廉頗藺相如雖千載上死人懷懷恆如有生氣

況乎屬宇宙之明當天

下之泰不能俯拾青紫

見上絳州司馬書

高視搢紳

高視見楊炯序搢紳見上從舅啟

攀北

極而謁帝王

爾雅釋天北極謂之北辰

入南宮而取卿相

漢書儒林傳高祖過魯申公曰弟子從師入見於魯南宮

脅肩側足

孟子滕文公齊肩諂笑趙注脅肩竦體也諂笑強笑也漢書吳王濞傳脅肩參足猶懼不見釋注師古曰脅翕也謂斂之也參古累字也累足

謂懼耳

求哀鍾釜之間

左昭三年傳齊舊四量豆區釜鍾四升為豆各自其四以登於釜釜十則鍾陳氏三量皆登一焉鍾乃大矣以

家量資而以公量收之

低首俛眉

史記平準書封君皆低首仰給集解晉灼曰低音抵距揚雄解嘲將相不俛眉

取濟斗升之

末

莊子外物篇莊周家貧故往賃粟於監河侯監河侯曰諾我將得邑金將貸子三百金可乎莊周忿然作色曰周昨來有中道而呼者周顧視車轍中有鮒魚焉周

問之對曰我東海之波臣也君豈有斗升之水而活我哉周曰諾我且南游吳越之王激西江之水而迎子可乎鮒魚忿然作色曰吾失我常與我無所處吾得斗升之水然活耳君乃言此曾不如早索我於枯魚之肆

嗟乎誠下官所以仰天漢而鬱拂

下官屢見詩大東維天有漢毛

傳漢天河也漢書蕭何傳項羽曰蜀漢亦關中也故立沛公為漢王何曰語曰天漢其稱甚美注孟康曰語古語也言地之有漢若天之有河漢名號休美臣瓚曰流俗語云天漢其言常曰漢配天此美名也師古曰瓚說是也天漢河漢也楚詞九歎志隱隱而鬱拂兮

臨江山而慷慨者也

江山見春

思賦慷慨見上劉右相書

但時可以未遇

呂氏春秋慎人篇百里奚之未遇時也

道可以未行志願可

以未成

嵇康與山巨源絕交書志願畢矣

功業可以未就

易繫辭功業見乎變

古之才足以輔

王業

詩七月序陳王業也

攝迹屠釣之間

尉繚子武議篇太公望年七十屠牛朝歌賣食盟津燕丹子下呂望當屠釣之時天下之

賤丈夫也史記齊世家呂尚蓋嘗窮困年老矣以漁釣奸周西伯

功可以濟巨川

書說命上若濟巨川用汝作舟楫

藏身版

築之下

孟子告子傳說舉於版築之間羊祜讓開府表假令有遺德於版築之下有隱才於屠釣之間季善注郭璞三蒼解詁曰版牆上下版築杵頭鐵杵

也百里奚之負販說苑臣術篇秦穆公使賈人載鹽徵諸賈人賈人買百里奚以五羖羊之皮使將車之秦禮曲禮雖負販者陳

湯之句貨漢書陳湯傳字子公山陽瑕丘人少好書博達善屬文家貧而況於

庸者哉此僕所以駿奔於顧盼之餘書武成駿奔走孔傳駿大也劉自

致於恩光之末也司馬相如喻巴蜀檄不能自致江淹擬鮑參軍戎行詩宵人重恩光季善注鄭國毛詩箋曰為龍為光言天子恩澤光曜

被及者也且夫精誠所感尚動神明班彪王命論精誠通於神明意氣相交盧湛贈劉琨詩李善注謝

承後漢書楊喬曰侯生為意氣刎頸豈慚車馬初學記十八風土記曰越俗性率朴初與人交有禮封土壇祭以犬雞祝曰卿雖乘車我戴笠後日

相逢下車揖我步行卿乘馬後日相逢卿當下倘能投心季子遙存素紵之恩投心見上明員外戚左襄二十九年

傳吳公子札聘於鄭見子產如舊相識與之縞帶子產獻紵衣焉又襄三十一年傳延州來季子說文素白綴縞也援手應侯先立綈袍

之贈孟子離婁則援之以手乎史記范雎傳秦封范雎以應號為應侯范雎既相秦魏聞秦且東伐韓魏魏使須賈於秦范雎聞之為微行敝衣閒步之邸見須賈

須賈見之而驚曰范叔固無恙乎今叔何事范雎曰臣為人庸賈須賈意哀之留與坐飲食曰范叔一寒如此哉乃取其一綈袍以賜之豈人之情也

丘遲與陳伯之書人之能無報乎左傳十五年傳方今白藏紹序白藏見慈竹賦

王季安集主卷六

朱律謝期

爾雅釋天夏為朱明郭注氣赤而光明禮月令孟夏之月律中呂仲夏之月律中蕤賓季夏之月律中林鐘

天高而林

野疏

楚辭九辯沅寒兮天高而氣清陸雲答兄平原詩肅邁林野

候肅而江山靜

禮月令孟秋之月天地始肅

輕蟬

送夏驚晚吹於風園旅雁乘秋動宵吟於露渚

梁武帝孝思賦旅雁鳴而哀哀

絲續

成於南畝

禮禮器丹漆絲續竹箭釋文續絲也○南畝見山池賦

杭黍被於東阡

蔡邕京兆樊惠渠頌序杭黍稼穡之所入

更記秦紀為田開阡陌索隱風俗通曰南北曰阡東西曰陌河東以東西為阡南北為陌

時計有儲

後漢書仲長統傳昌言損益篇猶將有儲何嫌乎不

足願履多福

書君陳膺受多福

下官薄游縣載

夏侯湛東方朔畫贊故薄游以積位水經注二十六於中闊絕乃積

縣飄寓淹時

陳書虞寄傳書曰寄流離世故飄寓貴鄉謝靈運酬從弟惠連詩洲渚既淹時

歡躋相仍

說文躋踰也詩曰載躋其

尾繫傳臣錯曰謂退則摺礙其尾也張衡思玄賦夫吉凶之相仍兮

憂虞自積

易繫辭悔吝者憂虞之象也

陟梁鴻之峻岳

何暇長謠

後漢書梁鴻傳字伯鸞扶風平陵人因東出關過京師作五噫之歌曰陟彼北芒兮噫顧覽帝京兮噫宮室崔嵬兮噫人之劬勞兮噫遠遼未

央兮噫肅宗聞而非之求鴻不得居齊魯之閒又去適吳趙至與稽茂齊書梁生適越登岳長謠李善注梁鴻長謠不由適越且復以升邱為登岳斯蓋取意而略文也詩崧

高崧高維嶽峻極于天毛傳駿大也

臨阮籍之長途惟知慟哭

見遊廟山賦

庶憑賙給以濟

飄危輕訴短懷

沈約八詠詩抱踟促之短懷

佇流嘉耗

清朔曰後漢書章德實皇后紀家既廢壞數呼相工問息

耗注薛氏韓詩章句曰耗惡也息耗猶言善惡也後人遂以音問爲耗

爲人與蜀城父老書

二〇文苑英華六百九十一

蜀都廣鎮

司馬相如難蜀父老至於蜀都

岷墟奧壤

晉書孝武帝紀皇太后詔曰三吳奧壤

山分玉宇

左思

蜀都賦包玉壘而爲宇劉逵注玉壘山在成都西北岷山界在後故曰宇也。詳前篇玉山注

水向金陵

後漢書公孫述傳注蜀有銅陵山

景

貺有期英靈閒出

左思蜀都賦近則江漢炳靈世載其英劉孝威蜀道難篇君平子雲閒不嗣江漢英靈已信稀

榮問休

暢幸甚幸甚

李陵答蘇武書榮問休暢幸甚幸甚

夫神有可逼

項本

淶波驚七柱之

音

見宴樂游園詩流水注風俗通聲音篇琴七絃者法七星也

道有可符

更記貨殖傳豈非道之所符而自然之驗邪索隱道之符符謂合於

也玄霜叩九鐘之節

見上武侯極啟一初學記二霜有玄霜漢武帝內傳曰仙家上藥有玄霜絳雪

豈道窮精祕

法書要錄二梁虞翻論書表轉求精祕

妙聽察於無聲

禮曲禮聽於無聲

理實杳冥

杳冥見上九成宮頌表

玄應通於不測

不測見上絳州司馬書

波流桂響波無入桂之因霜落鐘鳴霜

非叩鐘之具

楚辭大招叩鐘調磬

況乎言忘意得

見上絳州司馬書

臭味相求

左襄八年

傳今譬於草木寡君在君君之臭味也杜注言同類易乾卦同氣相求

目擊道存

見上許左丞啟

神明已接

季康運命論然

則張良之言一也不識其所以合離合離之由神明之道也

鄭僑之逢吳札

見上篇季子注論語公冶長何注孔曰子產鄭大夫公孫

無謂殊方

殊方見采蓮賦

阮籍之對嵇康

見上篇嵇阮注

自然同氣

見上文相求注

僕

雖不敏

見與契苾將軍書

嘗從事於斯矣

論語泰伯昔者吾友嘗從事於斯矣

嘗謂薰蕕不共器

家語致思篇回問薰蕕不同器而藏蕕桀不共國而治以其類異也

梟鸞不比翼

劉峻辯命論薰蕕不同器梟鸞不接翼李善注孫盛晉陽秋王夷甫

論曰夫芝蘭之不與茨棘俱植鸞鳳之不與梟鸞同棲天理固然易在曉晤

是以類平方者按風雲於千里

按

接字之訛

乖乎類者起山川於一面

見上明員外啟

抑嘗聞之士之生也其迹

可擯而道不可藏其身可辱而志不可奪

論語子罕匹夫不可奪志也又微子謂柳下惠少連降志

辱身矣季康運命論其身可抑而道不可屈其位可排而名不可奪

其有拂衣投臂

拂衣見上裴侍郎啟投臂未詳疑是投袂之訛

逐

形滄海之隅

書益稷至于海隅蒼生張協詠史詩抽簪解朝衣散髮歸海隅

裂裳裹足獨立高山之頂

劉岐廣絕交論是以耿介之士疾其若斯裂裳裹足棄之長驚獨立高山之頂歡與麋鹿同羣李善注墨子曰公輸欲以楚攻宋墨子聞之自魯往裂裳裹足十日至郢郭象莊子注曰亢然

獨立高山之頂 量腹而食度身而衣 度身而衣自比於羣臣 以鐘鼎為芻豢 鐘鼎見上絳州司馬書莊子齊物論民食芻豢釋文小爾雅云秤謂之芻司馬云牛羊曰芻豢豕曰豢以所食得名也 以衣冠為縲

縲 左襄三年傳取我衣冠而褚之論語公冶長雖在縲縲之中何注縲黑索縲縲也所以拘罪人 方欲策鸞鳳而撫雲英

楚詞離騷鸞皇為余先戒兮王逸注鸞俊鳥也皇雌鳳也○雲英見上絳州司馬書 鞭虹霓而採煙液 虹霓見前篇煙液見上絳州司

馬書 其次排玉闕 十洲記北海外有鐘指金門 更記滑稽傳避世金馬門金馬門者宦署門也門傍有銅

馬故謂之曰金馬門揚雄解 成賈誼之謨 更記賈生傳名誼雒陽人賈生以為漢興至孝文二十餘年當改正朔易

服色法制度定官名興禮樂乃悉草具其事儀法色尚黃數用五為官名悉更秦之法孝文帝初即位謙讓未遑也諸律令所更定及列侯悉就國其說皆自賈生發之

樹終軍之策 漢書終軍傳字子雲濟南人南越與漢和親迺遣軍使南越說其王欲令入朝比內諸侯軍自請願受長纓必羈南越王而致之闕下軍

遂往說越王越王 因機入務 因機變化遭遇明主 懷素將相之門沐露 聽許請舉國內屬 因機變化遭遇明主 懷素將相之門沐露

沾霜 任昉求為劉瓛立館啟櫛風沐露飽擁簪公侯之室 更記孟子荀卿列傳騶子如燕昭王

擁華先驅請列弟子之座而受業索隱按華帝也謂為之
掃地以衣袂擁帚而卻行恐塵埃之及長者所以為敬也
然則拾青紫於旦暮

見上絳州司馬書取功名於俄頃功名見春思賦郭璞江賦千里俄頃演文物而動寰中左桓二年傳文物以

紀之聲明以發之○騰聲名而振天下聲名見上明員外啟若下官者可謂慚二

途矣而斂手長揖更記春申君傳秦楚合而為一以臨韓韓必斂手又酈生傳酈生入則長揖不拜強顏高視司馬

遷報任少卿書言不辱者所謂強顏耳○高視見楊炯序低心於蹇躓之辰說文蹇跛也躓踰也忍恥於棲遑

之日者哉左哀二十七年傳以能忍渭濱留釣鉅固答賓戲周望兆動於渭濱史記齊太公世家呂尚蓋

嘗窮困年老矣以漁釣奸周西伯周西伯獵遇鷹揚之業未萌鷹揚見上劉右相書司馬相如

上書諫獵李善注太公金匱曰明者見兆於未萌漢書公孫固傳蓄川薛

家貧牧豕海上贗公孫弘卜式兒寬皆曰鴻漸之翼困於燕爵注李奇曰漸進也鴻一

舉而進千里者羽翼之材也弘等皆曰大材初為俗所薄若燕爵不知鴻志也師古曰

易漸卦上九爻辭曰鴻漸于陸其羽可曰為儀鴻大鳥也漸進也高平曰陸言及其
鴻進于陸曰其羽翼為威儀也喻弘等皆有鴻之羽儀未進之時燕爵所輕也
攀弓運接靈期晉書孔坦傳書曰中興應靈期之會乘雲雷而清八極易屯卦雲雷屯君